



Pou Piblikasyon Imedya: 05/01/2024

GOUVÈNÈ KATHY HOCHUL

GOUVÈNÈ HOCHUL PIBLIYE PREMYE RAPÒ KI DETAYE EKSPERYANS TRAVAY NOUYOKÈ TRANSEKSYÈL YO, SILA KI PA KONFÒME YO AK YON SÈKS AK SILA KI PA BINÈ YO

Nouvo rapò a egzamine diferans ki genyen nan travay pami Nouyòkè TGNCNB yo epi ofri rekòmandasyon politik pou fè fas ak obstak sistemik yo

Baze sou ajennda Gouvènè Hochul pou sipòte Nouyòkè LGBTQIA+ yo epi ogmante pwoteksyon nan espas travay

Rapò a disponib [isit la](#)

Gouvènè Kathy Hochul te anonse jodi a rezulta etid sou travay transeksyèl yo, premye rapò ki detaye eksperyans Nouyòkè transeksyèl yo, sila ki pa konfòme yo ak yon sèks ak sila ki pa binè yo nan espas travay. Gouvènè Hochul [te siyen lejislasyon ki mande](#) Depatman Travay (Department of Labor) Eta New York pou yo mennen etid la an konsiltasyon ak Divizyon Dwa Moun (Division of Human Rights) nan Eta New York. Etid konplè a disponib [isit la](#).

"Antanke kote mouvman dwa sivil LGBTQ+ la pran nesans, New York te kontinye ak yon angajman pwofon pou bay pi gwo respè, pi gwo pwoteksyon ak pi bon opòtinite pou kominate LGBTQ+ la," **Gouvènè Hochul te deklare.** "Rapò sa a bay yon lide sou lavi pwofesonèl Nouyòkè transeksyèl yo, sila ki pa konfòme yo ak yon sèks ak sila ki pa binè yo epi trase yon wout pou yo ka simonte obstak y ap konfwonte yo. New York rete angaje pou l bay yon espas travay ki ouvri ak san diskriminasyon pou tout travayè yo, epi administrasyon mwen an pral kontinye bay resous ak pwoteksyon nesesè pou chak Nouyòkè ka viv san diskriminasyon."

Komisè Depatman Travay Eta New York la, Roberta Reardon, te deklare, "Mwen remèsye Gouvènè Hochul paske li te kòmande etid sa a epi li ede nou konprann lit kominate transeksyèl, sila ki pa konfòme yo ak yon sèks ak sila ki pa binè yo ap fè fas. Kòmantè ki gen anpil valè nou te resevwa a pral ede fòme politik alavni epi ede elimine obstak ki genyen nan travay egal."

Fondatè Gwoup Defans Transeksyèl New York la, Kiara St. James, te deklare, "Rasanble done pèmèt nou idantife bezwen ak priyorite kominate majinalize yo. Se

poutèt sa mwen te defann rapò sa a; pou rasanble done sou travay Nouyòkè TGNCNB yo. Atravè travay defans mwen an mwen espere kreye yon avni kote moun ki nan kominote TGNCNB a gen aksè a espas travay ki pi an sekirite, ki pi divèsifye epi ki san diskriminasyon."

NYSDOL te chèche detèmine si gen diferans nan travay pami moun TGNCNB nan Eta New York ki egziste, evalye faktè ki kontribiye nan diferans sa yo, epi rekòmande pwopozisyon pou fè fas ak obstak ki genyen nan egalite travay. NYSDOL te rasanble done atravè reyinyon avèk defansè TGNCNB yo ak lidè kominotè yo, senk gwoup diskisyon, entèvyou, ak plis pase 350 kòmantè biblik sou entènèt ki soti nan konte nan tout dis rejon yo nan eta a. Etid sa a pral baze sou avansman yo pou asire espas travay yo nan Eta New York san danje epi san diskriminasyon pou manm TGNCNB yo ki sou mache travay la.

Konklizyon kle yo nan rapò NYSDOL la gen ladan, men se pa sa sèlman:

- Diskriminasyon nan travay ki baze sou idantite seksyèl se yon bagay ki gaye nan tout eta a.
- Moun koulè TGNCNB yo fè fas ak pi gwo diferans nan travay.
- Gen yon mank konpetans kiltirèl nan tout eta a konsènan idantite ak ekspresyon seksyèl.
- Gen yon laperèz toutbon nan zafè sekirite nan espas travay pami moun TGNCNB yo.
- Diskriminasyon ak lòt obstak pou travay te lakòz Nouyòkè TGNCNB yo chèche opòtinite otonòm.
- Gen yon diferans reyjonal ant eksperyans moun TGNCNB yo nan Vil New York ak lòt gwo vil yo, pa rapò ak sa yo ki nan zòn ki pi riral yo nan eta a.

Lè nou angaje ak kominote TGNCNB yo nan tout eta a, rapò a gen ladann rekòmandasyon pou politik ki ka adapte espesyalman pou bezwen Nouyòkè TGNCNB yo. Sondaj ak moun ki reponn kòm TGNCNB yo ki te fèt nan Eta New York, ak nan tout peyi a, ki enkli nan rapò sa a te jwenn ke moun transeksyèl yo fè fas a pi gwo pouvantaj chomaj, pi ba revni, mwens nivo edikasyon ak pi gwo pouvantaj patisipasyon lajistik akòz diskriminasyon. Pa egzanp, yon sondaj sou moun TGNCNB k ap viv nan Vil New York pa mwayen Pwojè Anti-Vyolans lan te jwenn moun koulè TGNCNB ki gen yon diplòm lisans yo te gen revni yo ki vreman pi ba pase moun blan TGNCNB ki gen menm diplòm yo.

Rapò a rekòmande pou ajoute politik sa yo:

- Defans pou rasanbleman done inifòm konsènan idantite seksyèl ajans federal yo, sitou Biwo Resansman Etazini an reyalize.
- Bay pwogram devlopman mendèv sitou pou kominote TGNCNB yo pou simonte difikilte inik yo fè fas.
- Egzije fòmasyon sou konpetans kiltirèl ak GENDA nan Eta a.
- Eksplore lòt fason Eta a ka redui obstak pou jwenn idantifikasyon legal afimatif.

- Imite pi bon pou anplwayè yo.
- Elimine obstak nan travay pou moun ki gen enplikasyon lajistis yo.

Komisè Divizyon Dwa Moun Eta New York Ia, Maria L. Imperial, te deklare, "Rapò vital sa a, ki mete aksan sou enpòtans yon apwòch entèseksonèl, pral ede DHR akonpli misyon nou pou asire transeksyèl, moun ki pa konfòme ak yon sèks, ak moun ki pa binè yo ka patisipe totalman nan lavi ekonomik eta nou an. Mwen remèsyé Gouvènè Hochul paske li te inisyé efò sa a ak ekip NYSDOL Ia, ansanm ak manm kominote yo atravè eta a, pou patenarya yo nan pwodui rapò sa a."

Komisè Sante Eta New York Ia, Doktè James McDonald, te deklare, "Gouvènè Hochul yon lòt fwa ankò demontre angajman li anvè Nouyòkè transeksyèl, sila ki pa konfòme yo ak yon sèks ak sila ki pa binè yo. Nou konnen opòtinite travay egal yo gen yon enpak dirèk sou detèminan sosyal sante yo epi done sa yo pral enfòme plis pwogram ak politik yo ki pral kontinye elimine baryè diskriminatwa nan travay epi amelyore divèsite, ekite ak enklizyon nan New York."

Gouvènè Hochul rete angaje pou l sipòte kominote LGBTQIA+, sitou Nouyòkè TGNCNB yo. Nan premye bidjè li a, Gouvènè Hochul te travay avèk lejislati a pou mete yon envestisman istorik 13.5 milyon dola nan finansman sante ak sèvis sosyal pou LGBTQIA+, ki gen ladan kreye Fon Byennèt ak Ekite Transeskyèl Lorena Borjas Ia. Gouvènè Hochul te elaji fon sa a tou nan finansman sante ak sèvis sosyal pou enkli finansman pou prevansyon swisid jèn TGNCNB yo. Gouvènè a te siyen tou lejislasyon enpòtan pou sipòte Nouyòkè TGNCNB yo lè li mande ajans eta yo pou mete yon deziyasyon sèks "X" disponib pou publik la sou fòm eta a ki rasanble enfòmasyon sa yo; sa ki deziyen Eta New York kòm yon "refij pwoteje" pou jèn TGNCNB, paran, ak founisè swen sante yo; epi pwomilge Lwa sou Bilten Vòt nan zafè Sèks Ia. Gouvènè Hochul te mande Biwo Sèvis Jeneral (Office of General Services, OGS) ak Biwo Relasyon ak Anplwayne (Office of Employee Relations, OER) yo pou yo pran mezi pou ranfòse enklizyon nan espas travay pou anplwayne eta TGNCNB yo, k ap etabli pi bon modèl pratik pou lòt anplwayè yo.

Tout Eta a pral benefisyé pi gwo patisipasyon mendèv TGNCNB Nouyòkè yo. Korije pandan plizyè mank travay ak salè ki ba yo pral pèmèt moun TGNCNB yo jwenn nouvo opòtinite nan ekonomi lokal yo. Lè nou kreye espas travay ekitab ak san diskriminasyon, anplwayè yo pral wè pi gwo retansyon, ekonomize lajan sou rekritman ak entegrasyon. Kòm jèn jenerasyon yo de pli zan pli idantifye kòm divèsifye nan zafè sèks, New York twouve l nan yon moman kritik. Konklizyon rapò sa a pral pèmèt Eta a travay ansanm ak anplwayè yo ak travayè yo pou pran mezi ki nesesè pou asire tout jenerasyon travayè yo gen eksperyans travay ouvè epi ki bay sipò.

Nouyòkè ki santi yo te sibi diskriminasyon nan pwosesis anbochaj la oswa nan espas travay la ka pote plent bay DHR [sou entènèt](#), pa lapòs oswa an pèsòn. Pou plis enfòmasyon sou lwa a ak travay ajans lan, ale sou sitwèb Divizyon Dwa Moun lan nan www.dhr.ny.gov oswa rele 1-888-392-3644.

###

Lòt nouvèl disponib sou sit www.governor.ny.gov
Eta New York | Chanm Egzekitif |press.office@exec.ny.gov | 518.474.8418